

大復集

十一



和 16
1205
11



大復集卷第三十三

序十八篇

送郡守孫公考績詩序

予得告還處野中別業不能應州閭交際趙元
澤氏者予所好者也來造予且將諸卿大夫之



之以待天下之吏者也今之例獲考者即為良而多陟之而凡吏茲土者亦率以獲考為良而榮之然以是而知其政信其為良者吾獨於守令焉而他有職者弗可也蓋守令職叢於他官而獲考為難守位雖尊于令而親民與令同合

之事又攝焉則守尤所難也守之上有府有司有監察其下則縣也府曰某州有缺事也未可考也守受令惟謹府可矣司曰某州有缺事也未可考也守受令惟謹司可矣請之監察監察曰某州有缺事也未可考也守受令惟謹州既靡有缺事守曰可矣又察之縣曰某縣之事缺未可考也縣無缺事而後可考於是觀之吾守之善

而爲良也可

吾守

政則善是爲良守也人曰子私子之守也未敢
信今諸大夫去

之欲考績也府考之

曰罔有缺事司可之曰罔有缺事司請於監察
監察曰是未有缺事可之又察之縣曰縣之未
有缺事守之能事事也則人心曰是豈非政之
善而能之也豈非良守而能之也余曷敢不信
子之守也夫如是則吾守之賢不待詩歌而知

之也而復以去我爲不忍者又非也吾守去茲
而有顯陟則其位又有大於守者矣守一州也
其惠狹陟而大於守焉又豈一州之惠而已也
雖然詩歌之作無加於吾守而吾士民之懷也
不可缺也敢以茲言首之詩凡若干篇

贈清溪

清溪子嘗遊吾郡題詩山寺中去時予幼也既
長予遊寺中尚

寸屏處朝西

之別業所罕有

分

澤者長者也

故常與語也他日偕客來予謂客誰也元澤曰是清溪子也予業已識之蓋二十年而再至也清溪子亦長者又能爲歌詩善鼓琴性好遠遊凡遊江漢洞庭百粵之間者將三十歲也予亦好遊嘗遊燕趙遊秦楚滇蜀然悉以宦故遊也弗肆吾志与子路遊尚勃勃也吾郡先達高鐵溪者嘗仕司馬部遷楚徼又仕江南仕蜀川亦

好遊者也時謝宦隱於鄉無与語遊者乃數与清溪子語懽甚也於是予与鐵溪更相延致月餘日与歌吟弄琴至夜分有不息也夫人之晤合離散有謂偶然者清溪子始遊吾郡予固稚子而鐵溪方宦遊也二十年而再至再至而相与堪得豈偶者也清溪子歸而歲一至焉則与吾二人語遊尚有期也時與清溪子善者皆作詩為別元澤泊馬君知政往來者也詩

併附卷、首題盡皆藏、者也清溪子名昂
字子高出東陽沈氏鐵溪名鑑字克明元澤名
惠君卿名錄白坡何景明

贈蕭文或號古峯序

蕭文或先生與余父凡游者數十載與余游者
六七年博雅志愨凡世之詰媿侮衆方閔然文
或獨漠然不知也余益愛焉語多合意嘗謂曰
君其澄之不清撓之不濁者乎余第進士猥來

見訪至再乃識余言請為別號余知文或者將
安辭遂號曰古峯嗚呼鑿破混沌一派世道萬
偽日滋吾嘗高卧北窓之風想無懷葛天之民
慨身世之既遠也及道西華玉井覽其峯高寒
竦人由是又南望匡廬五老巢入空冥氣含鴻
濛雪落太古乃登羅浮七十二峯於飛雲之上
別來嘗夢想斯境梯石磴披蒼翠浩歌烟霞深
處與華胥氏往來不知有、也則文或之古

峯亦此類也耶然文或世族西江漢唐聲華今
益顯家地之古矣標支野鹿貌之古矣太羹玄
酒文之古矣余所謂澄之不清撓之不濁其心
之古然則文或之古峯將凌太虛入廣漠而求
之無何有之鄉奚俟吾言

贈左先生序

左君以大理寺副擢山西按察司僉事時師君
亦以刑部員外郎擢江西按察司僉事二君者

同鄉也其擢也鄉人及其同官者咸寵之或曰
二君之用也以法家也語曰處山善樵處河善
漁二君之於法也左君善平師君善鞠或曰匪
獨二君者然也今之用官也皆然也今天下二
司布政則以錢穀之吏為之而按察則選於習
文之家何景明曰不然也在選才爾若論其家
何官也苟執事之不察吾懼其責名而亡實拘
器而遺用也舟之於水車之於陸不相通也然

造舟車者弗能舍木也是故察之舟而櫓檣
枕者昌一非木也故木良可以為舟車矣夫器
完而神注則立周而用精故耳之戰曰聽善德
為聰目之職曰視善視為明然聰明者匪耳目
也皆神之為也故君子全其神而用之可以通
天下之事矣夫左君善平師君善鞠是二君之
職也廣之其才昌往弗善也二君履夷歷艱備
嘗通塞是天之多其才也出為泉為藩入為臺

為省為將為相咸由此矣

贈趙君士器序

余官於京十五年其閱鄉之仕郡縣者數十人
或起或沮或全或壞始也不知其著而其微居
可知矣諺曰地知稼小知大夫基事者莫如志
鼓動者莫如氣風也盪於天雷也奮於地山石
至固也松栢干之而出氣則使然也孰能遏之
哉大抵吏之沮而壞者咸不知職而顧於官不

憚己而忌於人不知職不憚己則慮不一而志
渙顧官而忌人則多畏而氣不伸故內有得失
利害以變其心外有威福毀譽以折其勢。折
於外而心變於內則業不精而行罔功惟知職
而憚己則職為重官為輕己為內人為外是故
務約而心暇事成而身不失夫臬翔於屋難伏
其雛吏之命職也為事者殉事為民者殉民古
之吏也今也墮其職以崇位以民冒害而覆其

身夫志氣者不可以無輔也是故必才以濟之
識以明之德以經之義以紀之故剛不暴而勇
不亂四者志氣之輔也趙君士器通判保定府
有治績治上考功部績第一士器弘治辛酉舉
河南省其同年選而為郡縣者十數人或沮或
敗士器官獨成且起矣士器之治也剛而易勇
而能遜辨達而不避其所由於志氣者遠大矣

贈許汝登序

許汝登先生為進士初令樂陵大盜之起也山東吏不守將威於關或奔樂陵完令有禽伐大盜遠之功名勃如也乃陟樂陵令為兵備禽事兵備三年赴考功部奏上考予嘗問兵備何以能禽守也曰有枝平曰弗能彎弓曰有力乎曰弗能躍馬予嘆曰是知兵計矣是以能禽守也兵備復任鄉之士大夫曰兵備奏上考甚寵請子之言加兵備也景明聞之負有為之具者篤

不求之志夫能求之士匪能為者矣語曰富貴坐室貪賈遊市夫玉必生於無人之山珠必產於九仞之淵然而為重器而至國中者非珠王之能求於人也西子不窺戶而有幣盈門求之者衆也砥砭自懸魚目屢造醜女多媒天下有為之具四藝著曰才行者曰德勞著曰功聲著曰名是故守用所以為急也蓄得所以為重也慎伐所以為嘉也保譽所以為望也夫任使爵

位所以加於才德功名者也求而得不求而失
勢之所必有也是故利害形而心移天才勝使
德勝任功勝爵名勝位必不求者也賤也而人
貴之辱也而人榮之使勝才任勝德爵勝功位
勝名必求之者也貴也而人賤之榮也而人辱
之夫不耻于而羞役者衆人宜之才德功名之
士可以需人之求而非可以求人者也兵備天
下才德功名之士也予弗患夫求之者之不至

也

贈南雄判俞君序

俞君公濟判席東南雄府陳大理曰君起於貢
為佐郡父負而深蘊厥施必大請余言贈焉余
嘗聞劉大司馬之為廣東伯也順德令吳獻臣
伯常引與坐論謫吏鄒汝愚伯上客之伯也善
下下矣而今也謫吏也安其禮有与任之有見
列之夫先王之時懼天下之塞情而隱賢恒徹

其所蔽限者故崇高則畧之富貴則損之使人
人抒其意而盡其才是故先王之時吏也直其
道不辱其身忠其職不卑其位維名與資今之
所為蔽限者也名也標聲資也階勢崇虛而實
或不徵升庸而超俊或拾是故聲日張而勢日
懸公卿廢禮士之文牧守歷察民之實是以官
屈而吏以調困以此一下上而通天下是以難
也夫受指則立受跪則坐吏之自處也重其身

以求而求勿浚也脩其事以見而見勿皎也執
己卑來陵也居太柔取藉也是故必高其節而
遜出直其志而平施古者學之有術守之有力
行之有方皆先守乎己者也夫定取舍也以制
得失定好惡也以制毀譽定是非也以制從違
定行止也以制進退是故上交不論而下交不
瀆故名也者弗能榮辱而資也者弗能崇卑也
傳曰君子非其人不交故不知其人考其師友

焉俞君師章司成而交大理其所從有淵源矣

贈胡君宗器序

余黨士胡君宗器性爽而敦勤而濶度詳謹而無隱情辛酉舉於鄉今年選保定府通判不治府王理邊之芻糧次於懷來七倉屬焉國家之儲北邊是重故以部司專紀而五判分受其約兼督之者有守有撫有按有監司給納之者有權門有貴家有戚里有世族有豪商有富賈

聽役之者有倉吏有場吏有吏胥有兵隸有車人有攬戶有管庫之廝器有衡有量有石文有委獄有受訟判也亦難矣臨者取者伺者干者赴而白者來之沓々畏之惴惴泊然緣然錯々然若風雨之至也雲霧之交也矛戟之衝也機括之發也若川委而疇布也於是乎無備無宰無識無籌無政莫之應而立也夫衆令而汎從則遺衆勢而流悅則委衆蓋而闇受則罔衆數

而煩覆則眩衆辭而滯理則叢是故共者承衆
令也剛者折衆勢也察者徹衆蓋也約者舉衆
數也通者肆衆辭也夫致慮而圖全者患之防
也任而弗却視者事之隙也夫瓜繁必摘鵠張
必射舉火者寇遁測井者投石道河求通也疾
掘則壅故共而曲意則極之者至矣剛而樹標
則摧之者至矣察而示明則掩之者至矣約而
疏中則實之者至矣通而速成則塞之者至矣

夫水之源潔也可以浮衆舟而不沉可以滅炎
燎可以鑑可以一分可以決重隄之障而轉千
仞之石故蒞官之要則莫要廉以修其身也廉
以脩其身則心靜則氣直則視燭則計精則才
達

贈向先生序

夷陵向子粹行敦質好學而秉禮河南何子珍
其人焉向子為地官郎善於其職遷守廬郡行

也謂何子曰予欲子言之也何子曰唯予見
子之履禮也禮也者理之叙也其道也卑非知
崇則莫達夫物鉅曠者弗以細扁遺淺末而浚
通明罔以幽隔故曰優々大哉禮儀三百威儀
三千五帝三王踐其理而示其事仲尼識其事
而示其理事實而易理虛而有形者方也神者
無不在也形神弗二故微著一故曰君子之道
造端乎夫婦故曰禮始諸飲食夫君子之為人

故歲弗變而日新是故慮善惟動也動惟其時
也美而無當弗足美也故曰玉磬必擊大琴必
張嘉者必食夫幾者時之會事之發也制其幾
發其事會其時則莫若斷孟貴之刀罷於累試
由基之巧廢於百發弗斷其幾也故曰日中乃
暴操刀則割是故禮也者通於晝夜貴於天地
格於人鬼者也是以君子貴履禮也向子於是
再拜曰敢不承子之言何子復拜曰子之命也

敢不告

贈楊靜之南歸序

靜之先生學於鄉貢於國卒業於監歷事於臺乃銓於選部而歸省以需政焉歸之日友人集送之嘆曰嗟乎予今也始見天下事矣昔之人曰不出戶知天下此為說也已使余於鄉也弗於國於監也弗於臺則於天下也何以見之哉今也予始見天下事矣向之言不可行者未

上也使其吏程而民矩也貴承也而弗以屈節承也貴親也而弗以回德親也直內而順於外敬立而行其恭夫然後上下則也故曰君子揖私朝輝如也登車則有光矣君子之治也設其綱紀而有其目與民守之誥朝在門夕於野功不可以蠟取也分不可以踰得也故曰嘗遠食必順近食夫賤市者為售也故君子下也而人高之非求高而下也虛也而人實之非求實而

虛也有功也而人德之非以功求德也是故君子之脩也盡諸躬而已設地而懸望焉君子耻之故曰徒坐不盡席尺夫才盛者亢其志名高者危其身享厚者盈其量是故君子才也思抑名也思藏享也思約故曰君子之受爵也一爵而洒然二爵而言三爵而已三爵而油以退夫仁生之義殺之禮辨之智藏之故春生秋殺夏辨冬藏天之四時也四時之道具而安其序

必不可也其可行者未必可也情有所難徑而勢有所難格意有所難通而理有所難會耳与目異也身與心方也故曰民与士不同論匹夫諸侯不相謀此誠然也何子聞之曰靜之其有得乎夫夫下有巨有細有常有變有常有變有巨有細有巨而細有細而巨有常而變有變而常故鑿一戶者昧四方之遠專一節者失三時之利帆海者不知山駕陸者不知水

飲水而寒者不知嚮火之焦天下之事其藏也
一其見也不一其見也散也不一也故君子多
其見聞焉廣其思慮焉悉其履蹈焉其藏也趨
也一也故君子約其見聞焉精其思慮焉矩其
蹈履焉理貞也事情也貞者正其體情者幾於
動也體非正不立幾非動不行是故學而卒業
者尚本也貢而歷事者達用也教以成士政以
資官厚其身而周其知夫然後可以見天下而

無行不之矣靜之其有得乎

贈張侍御序

何子曰世言曰勿為任、叢怨勿為激、子怨
張子璉為御史嘗按治當世鉅重舉奏當世尊
顯下弗厲其法而上不咎其言夫天下之事不
患其任且激也患其先有意也先有意也任則
貧功而悍作激則訐人以自標罕無怨怒矣唯
無意也雖多法而寡情人弗以為病也雖徑識

而過實人弗以為構心故階壑之阻盜賊弗犯心
虛舟之觸福心弗怒無意心

贈雷守王子序

何子謂雷守王子曰夫擊与牧異法而柔与能
殊情寇曰擊民曰牧遠曰柔邇曰能四者由有
治以來莫之能有湯也四者之易也弗晰而蒙
於情也其弗蒙也移於勢也勢之移也畏以求
免屈以求伸辱以求榮是三者心動而其情蒙

情蒙而法易矣故縱奸漏枉牧寇也伐善殘弱
擊民也親昵而多蓄柔近也疏眇而易威擾遠
也由是求免而先畏求伸而先屈求榮而先辱
其終謂之晰乎天法以事起道以身立時而變
化從乎其人羿之射也不以遠近要之中的而
已矣扁之醫也不以強瘠要之對病而已矣夫
能中而對者心一而視外晰也弗晰者心之蔽
者也晰而有所移者蔽之甚者心晰也弗移也

明而有勇者也

贈張德充序

大梁張德充例為周府引禮舍人何子曰夫化必觀世行必矯俗要其本源委於末流故法良既敝則美意或幾乎息矣今天下用士科貢興而孝廉賢良之舉廢科貢於孝廉賢良遠矣而人尚之其有以例拜官者則縉紳之徒弗道焉此何以哉或曰科貢者其盡非孝廉賢良之才

者耶曰然則以例拜官者盡非科貢之才者耶故觀世以化者存乎上矯俗之行在其人焉爾夫使富者得官貧者得財上急國用下舒民力例之法意蓋無不善而官者因以率行厲職又何以累其人品哉顧上以此括財而窮欲下以此藉勢而遂身是末流之蔽也昔漢文帝許民賣爵司馬相如以貨為郎而文帝之治不以賣爵躬相如之名不以貨郎賤故意美者不論法

嗜修者不論資

送孫處州序

郡守孫先生懋仁以吏部例舉為處州府同知其視郡凡有三年也申人宜之而難其去我相與送之上其長老薦紳又言是遷迺郡吏者恒格不超歷有赫非所以尊異良吏勞動勸善也咸噫惜不能夷其意景明奉爵進曰維斯遷也迺吾所為先生慶者諸長老薦紳顧弗覩也自

吾長凡吾郡之守更者幾矣不三考不得輒徙因仍玩久與民吏耳月相厭刺不能其繁逮其徙去固已奄然倦矣先生在郡始為三歲部始為一考其政軌民尚有不盡窳習猶鼓作莫敢緩悅而志氣展布方堂、向殷富即起而置之鉅地登之州邑之上視他昔守者不可以謂無尊異也然先生偉男子也吾嘗見為吏者矣慎者多畏不能有所震烈寬者多留不能有所

辨達是曷用寬慎之先生處吾郡与武衛省立
彬比勢抗于沮衛折而卒能行其威事之瓊絮
旁羅不為曲慮不為周防以才任之而莫為所
變亂以失其措執是以行亦無少遇挫劔以至
於今徙官噫是則偉男子也偉男子被是遷故
長老薦紳憶惜弗以為尊異也然吾聞適千里
者百里一息適萬里者千里一息不亟進則所
至者遠也鵬之將圖南也必直上九萬里則風

在下而南圖易矣用之同知視州之守位則為
高事則為簡高則足以尊其身簡則足以節其
力先生遠造斯乃有地也於是長老薦紳曰如
子之口可以慰矣送行當有言其緝是語書之

送蕭文或分教臨川序

制士貢入者願祿仕則以學職請禮部彙試而
去取之迺復試於天官去取加詳焉然後進之
大廷天子躬臨誠之取其堪任者下之選

部蓋獲名於禮部試者十之六七焉獲名於天
官試者十之四王焉獲名於廷試者十之二
三焉子鄉蕭君文或願就茲請歷三試俱獲名
優列於是領臨川訓導抵行鄉之好於君者咸
致儀為慶張祖為倭徵予以言贈予於君又厚
雖不徵予言固將有所告焉夫君之是諸古所
謂解尊居卑者心然師儒之義大矣非闢析之
司可同也故試之屢而選之重且難如此獨悲

今之任是者不知所以盡職奉其重且難者而
自輕忽之甚者所鼓坐堂上呼喚生揖弗來者
弗詰夕鼓反室與諸生飲酒虞然弗忌心諸
生腆物來者禮之弗來者怒之業之惰勤弗察
也監司視學者至入其室寥然不聞絃誦閱其
士驚然揖讓不就列考其程課選不即叙誅其
弛職則自謂曰吾官卑吾齒邁苟升斗私吾妻
孥爾安所為哉否則又曰吾盡職士弗率教也

咸若時天下之學職廢矣夫教人者視其所自
教古之所謂師儒曰以賢得民曰以道得民
也古之所謂教曰考其行也問其業也是故古
之人賢著矣迺考行道立矣迺問業行則進其
良糾其有弗良者已矣業則簡其修董其有弗
修者已矣故自教者二曰賢曰道教人者二曰
行曰業賢曰著道曰立行曰良業曰修盡是四
者其教明矣君夙有聞於鄉博學明儀其量淵

然其行敦然其堪是任無疑也且其業於庠也
又歷於師也衆凡所以自教及所以教人者固
習見而熟聞者矣後有稱教明於臨川者必君
之功也

送盛子令太平序

盛子令太平太平鉅多梁難治何子曰一人百
羊無弗群者百人一虎無弗搏者言治體異也
十室之邑必有忠信百步之澤必有茂草言惡

必有善也故君子不以善隱惡不以惡傷善夫
知而好白易遁之剛而好發易嘗也好尚而有
欲易畏之三者凡以有己之有己者不可以治
人夫執火而盜避借越以明之屢罵而童子弗
趨不慎出也虎豹之在山也莫之能近之然可
以出而穿之者有嗜於人也是故君子之治民
以民之知知民則獲見其情以民之怒怒民則
獲伸其威自潔以求直則人弗得訾故辨其文

異其品黑白章矣公其法定其守志令行矣制
愛而取義訕利而尚節身名榮矣

送陳子令大谷序

光祿署丞陳子為大谷令呂給事請於何子曰
光祿丞也貳而內吏也大谷令也長而外吏也
丞之令也貳之長之內也外也弗相諸也予曰
丞嘗修膳致養於上矣其不知養民矣乎令也
養民者也曰大谷何以養也曰和之曰大谷盡

驚也安可以知也曰大谷固盡驚也將移之乎
存之也若移之也用六師弗相令也其用令也
則和之爾矣夫虎也馴之龍也擾之矧大谷者
民也曰和之也不懼縱乎縱難制也曰是順私
從暴也夫知之也者剛也柔之亢也下之疾也
緩之馬調也而弗犯駕鷹習也而弗掣韉和也
者非順私從暴也

何子曰天下之味五錯而味不可勝用也天下

之色五錯而色不可勝用也天下之者五錯而
音不可勝用也錯之者和之也和之用廣矣是
故常以經變也變以緯常也常變經緯用無窮
也

送侯汝立守東昌序

侯汝立氏者年三十四而為司馬選部郎中為
東昌守始汝立力樹職正法又陳職抗章求免
弗獲又乞徙學官便養又弗獲乃出并東昌何

子曰鄙人曰丐尔富廢飯言創貧也然列義弗折樹名以自著者貧賤之士多有之而貴習厚享者弗与也何耶予嘗有友三人焉三人者咸節士也大梁李子為郎吏言外家河内何子為史官言共事高陵吕子為講官言時政三子皆貧賤士也苟有志于創貧賤焉則其能皆可以富貴也然而三子者弗為也夫才者弗憚獨任而志者耻于旅升故致中曰聖矯衆曰高同流

曰汚者未有不借聖以訾高者天下治公道行於上天下否公議興於下道行于上之吾從上議興於下之吾從下非秉哲篤尚之士安有弗移於此者也



